



Worcester Public Schools

Worcester, Massachusetts



Biwo Direktè Jeneral
Rachel H. Monárez,
Ph.D Direktè Jeneral

Telefòn: (508) 799-3115
Faks: (508) 799-3119
monarrezz@worcesterschools.net

3 Novanm 2022

Chè Fanmi Worcester Public School yo,

Nan Worcester Public Schools, nou rekonèt timoun nou yo se pi gwo trezò nou. Garanti sekirite yo, fè kè yo kontan ak aprantisaj yo se responsabilite nou tout. Lè ane lekòl la te fenk kòmanse, mwen te voye yon lèt pou ou kote m te prezante tèt mwen e mwen te pataje plan nou genyen pou nou analize epi amelyore dispozisyon sekirite nan lekòl nou yo. Mwen vle fè w konnen sa nou gentan reyalize jiska dat.

1. Tout lekòl yo gen yon plan sekirite. Tanpri pale ak direktè w la si w ta renmen verifye plan sekirite lekòl ou a.
2. Nou te chwazi *Guidepost Solutions* ki Boston, pou reyalize odit sekirite nou an. Yo pral verifye pratik ak politik yo nou genyen nan moman an nan nivo distri ak lekòl la, ki gen ladan l, men ki pa limite ak sa yo sèlman, pwosedi pou ale depoze ak pwosedi pou nou al chèche, pwotokòl vizitè yo, sekirite nan domèn fizik ak sekirite batiman nou yo.
3. Nou fè kontra ak <https://iloveugguys.org/>. Fondasyon "I Love U Guys (Mwen renmen nou ti mesye)" pral fè yon fòmasyon ki baze sou rechèch ki nesesè sou pi bon abitid pou anplwaye WPS yo. Y ap fè yon seyans pou yo bay paran yo enfòmasyon tou. Elèv yo pral patisipe nan egzèsis antrènman pou yo ka prepare yo pou nenpòt ijans ki ka rive.

'Plis pase 30 000 lekòl, distri, depatman, ajans, òganizasyon ak kominate nan tout monn nan sèvi ak pwogram Fondasyon "I Love U Guys" yo pou fè fas ak katastwòf ak regwouman aprè yon katastwòf.'

4. Direktè lekòl yo pral kòmanse ajoute yon pwen pèmanan konsènan sekirite nan lekòl la nan pwogram jounen an nan tout Konsèy Sit Lekòl la pou chak lekòl ka analize pwosedi entèvansyon pou lè gen ijans ak solisyon pou pwoblèm ki poze yo.

5. Nan dat 10 Novanm, 2022, Komite Worcester School la pral resevwa mizajou sou dispozisyon ki pran pou rete pare pou ijans nan Worcester Public Schools. Tanpri konekte oswa vin patisipe an pèsòn si w ap disponib.

Worcester Public Schools pran angajman pou l dirije yon pwogram edikatif ki wo nivo li ofri nan yon anviwònman ki adapte pou aprantisaj. Tanpri pa ezite chèche jwenn plis enfòmasyon nan men direktè lekòl ou a oubyen nan biwo distri a k ap pèmèt ou konprann pi byen. Nou la pou nou bay sèvis.

Ansanm, n ap travay pou nou fè siksè,

Rachel H. Monárez

Rachel H. Monarrez, PhD
Direktè Jeneral Lekòl yo

Worcester Public Schools se yon Kote ki bay travay/Etablisman Edikasyon ki bay tout moun Menm Opòtinité/ki fè Aksyon Pozitif kèlkeswa ras, koulè, orijin, sèks, laj, reliyon, peyi moun nan sòti a, idantite oswa ekspresyon sèks moun nan, kondisyon matrimonial, oryantasyon seksyèl, andikap, gwosè s oswa yon kondisyon ki gen rapò ak sa, si moun lan nan lame oswa li pa gen kay pou l rete.

Worcester Public School bay aksè ekitab ak yon seri pwogram konplè pou ansèyman jeneral ak pwofesyonèl.

Pou w jwenn plis enfòmasyon konsènan Opòtinité Ekitab/Aksyon Pozitif, kontakte Responsab Resous Imèn nan, 20 Irving Street, Worcester, MA 01609, 508-799-3020.